



*David estant deuenu vieil, son fils Salomon est oingt & proclamé Roy
& son pere meurt peu apres.*

ESTANT Dauid en extrefme vieillesse, il ne pouuoit point eschauffer avec aucune couuerture, parquoy fut aduisé luy donner vne iouuencelle nommée Abisag Sunamite, qui l'échauffoit en dormant en son sein. Or Adonias fils de Dauid & de Haggith s'estoit éléué, disant; Je regneray apres Dauid, & fist preparer chariots & cheuaucheurs pour marcher deuant luy, & auoit attiré de son party Ioab grand Capitaine sur Israël, & Abiathar Prestre. Mais Sadoc Prestre, & Banaias. & Nathan, & Samey, & les forces de Dauid, n'estoient point de son costé, ains tenoient pour Salomon, qui fut par le moyen de Bersabée, & Nathan, nommé pour Roy par son pere Dauid, qui voulut de son viuant qu'il fust oingt & proclamé Roy. Et fut pour cet effet monté sur la mulle de Dauid, & mené avec son de trompettes & d'instrumens deuant le peuple. Et lors Adonias delaisié de ses gens, quitta son entreprise. Dauid donc enseigna Salomon, luy disant, Sois homme fott, & garde les commandemens du Seigneur ton Dieu, que si tu chemines en ses voyes, comme il est écrit en la loy de Moyse, il confirmera ses promesses, me disant, Si tes fils gardent mes voyes, ils possederont les sieges d'Israël. Apres donc qu'il eust aduertiy Salomon des faits de Ioab & de Semey, & autres ses familiers, il mourut, & fut enseuely en Ierusalem, où il auoit regné trente-trois ans, & en Hebron sept ans. Adonc Salomon pour rendre son regne paisible, fit occire Adonias par Banaias, qui mist aussi à mort Ioab, encore qu'il tint la corne de l'Autel, & ce pour auoir du regne de Dauid tué Abner & Amasa, & fist aussi mourir Semey.